

SARS YI TIYISA PFHUMBA RO SINDZISA NANDZELERISO WA XIBALO

PRETORIA, Ravumbirhi, 20 Hukuri 2018 – Vukorhokeri bya Xibalo bya Afrika-Dzonga (SARS) nakambe byi tlhela byi simeka pfhumba ra lemukiso wa rixaka hinkwaro ku tsundzuxa vahakelaxibalo hi xiboho xo rhumela mitlheriso ya xibalo leyi kayiveleke.

Pfhumba ra mavhiki yanharhu, leri sungulaka namuntlha ri kongomisiwe swinene eka mabindzu ku hlohlotela nandzeleriso mayelana na Xibalo xa Malinghena ya Mabindzu (CIT), Xibalo xa Mixavo (VAT) na Hakelo-Hi-Ku-Ya-Hi-Muholo (PAYE). Vuxokoxoko eka swiboho swa muhakelaxibalo, rhumelo wa mitlheriso ya xibalo na switandzhaku leswi yelanaka na nka rhumelo swi ta tlhela swi averiwa enkarhini wa pfhumba. SARS yi ta yi humesa mapapila yo hetelela yo londza eka vahakelaxibalo lava khumbhekaka.

Hambileswi Nguva ya Xibalo yi nga pfala hi ti 31 Nhlangua 2018, lava nga tluriwa hi siku ro pfala va ha languteriwile ku fayila mitlheriso hinkwayo ya xibalo leyi kayivele, mixupulo ya mafambiselo yi nga ha sindzisiwa eka ntsandzeko wo fayila. Vahakelaxibalo va nkarhinyana va na ku fikela ti 31 Sunguti 2019 ku fayila mitlheriso ya vona ya xibalo hi ku tirhisa eFiling.

Vahakelaxibalo lava nga rhumeriki mitlheriso ya vona ya xibalo va ta hakerisiwa nxupulo wa mafambiselo lowu nga sukelaka eka R250 ku fikela eka R16 000 hi nhweti, hi ku ya hi malinghena ya muhakelaxibalo leyi hakerisiwaka xibalo. I nandzu wa vugevenga ku ka u nga rhumeli ntlheriso naswona ku ya emahlweni u nga landzelerisi swi fikelerisa eka nchuchiso wa nandzu wa vugevenga.

SARS yi tshama yi tiyimiserile ku nyika vukorhokeri na dyondzo eka vahakelaxibalo lava lavaka mfuneto. Vahakelaxibalo va hlohloteriwa ku bela SARS Contact Centre riqingho eka 0800 00 7277, kumbe va endzela rhavi ri'wana na rin'wana ra SARS va khomile nomboro ya vona ya rheferense ya xibalo.